

nach der Geburt halten sollen. 27

am 16. Cap. Wer mir nachfolgen wil/
der verleugne sich selbs / vnd neme sein
Creuz auff sich / vnd folge mir / da hören
wir / wer ein Christ / vñ ein rechter Jün-
ger des HERRN sein wil / der sol dem
HERRN Christo auch nachfolgen /
vnd sein Creuz tragen / vnd ist also das
liebe Creuz die Hof farbe im Reich Jhesu
Christi / vnd die gewisse kundtschafft /
darbey man die rechten Christen / vñ wa-
ren Gottseligen erkennet / was Christen
seyn / die müssen sich fürwar in diser welt
vil leyden / darumb saget auch recht Hie-
ronymus: Quis Sanctorum sine tribulati-
one? Welcher Christ ist doch one anfech-
tung vnd Creuz? Als solt er sagen / da ist
keiner / vnd welche sich diser Hof farben
des Creuzes schemmen / vnd nicht leyden
wollen / die sind keine rechte Christen vnd
Jünger des HERRN.

Vnd das ist den Christen nicht ein ges-
ringer trost das sie wissen / das jr Creuz
D iij vnd